

史部·地理類

贛州府志·南安

府志·零都縣志

北京圖書館古籍珍本叢刊

32



書目文獻出版社

ISBN 7-5013-1383-0



9 787501 313839 >

北京圖書館古籍珍本叢刊 32

史部·地理類

贛州府志·南安

府志·零都縣志

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁佰壹拾圓

ISBN 5013 - 1383 - 0/Z·203

目 錄

贛州府志	二十卷	一
南安府志	十五卷	五四三
雩都縣志	十四卷	八二三

誌書序

志者記也記其實以俟後
之叅考也凡人之臧否事
之得失俗之淳澆風氣之
燥濕剛柔山川之險夷幽
敞兵刑賦役戶口城衛之
多寡堅瑕必犁然具備確
然有徵始稱全志顧固舊
有志哉間畧而弗詳浮而
不核疑而無徵裨官也野

贛州府誌

序

一

史也此與耳食鼻聽何異
雖志猶弗志耳宜鳳渚先
生之慨乎有意其續脩之
也今閱其條分縷析別類
分門善善不溢惡惡不苛
或信一心不必逢曹衆或
信千古不必愜目前或錄
長而短自賅或標實而名
自附奉以天道秉以虛心
叅之輿情酌以獨見經幾

贛州府誌

序

二

許歲月敲駁而始成書備則星羅海蓄確則金石四時上之

虔臺周公公曰可質之

泰籓王公公曰可證之諸

贛州府志

卷五

三

大夫國人咸無不可予文

龍濫竿典郡有專責遂領

而付之梓同事者則司馬

翟君元肅司理申君用嘉

顛令劉君永基而別駕伍

君教拮据於先朱君凌霄

畢役於後力尤倍焉後之

目是志者熟虔南之故實

於紙上因以窺公胸藏之

富於筆端公之功且與志

贛州府志

卷五

四

同不朽矣天啓辛酉仲夏

念日序

虔守閩中余文龍題



重刻贛州府舊誌序

今天子坐明堂以出治轂郵

萬里東西朔南遠軼漢唐

宋開天之版遐邦文獻悉

達職方禹貢幅幘不克博

贛州府誌

一五

一

綜成書以備大一統之典

亦安用此山諸侯澤諸侯

為者贛州在天末屹然為

三湘八閩五嶺之奧區於

時天雨矢地涌于于章貢

之湄者以數載隸我正朔

獨後諸省欲懷柔而救寧

之將何以按籍如指諸掌

勾章氏邈矣吳楚越之不

常所治也夫斗牛女之野

贛州府誌

一五

二

所聞所傳聞異辭石梁之

敗阜口之阻不可謂地險

之非山川丘陵也元詔天

下無修城城日就圯四方

兵起始再修于全普菴撒

里之手無事之備庸敢一
日弛哉彼白鵲翠玉駒巖
鬱孤之間僅子大夫事耳
明洪武初戶以八萬二千
計口以三十六萬六千計

贛州府志

卷

三

永樂減其半成化再三減
其一弘治中過成化而不
及永樂兵興以來膏原野
者更凡幾青羊白戈之害
寧有豸耶按齒程能政莫

先焉填撫之設肇自金澤
文成定難遂大厥功其他
大帽山三巢之捷咸銘戈
鼎卽守令倅尉罔不各靖
乃職事不有君子其何能

贛州府志

卷

四

國百勝昭信廟軍萬戶部
之號代不相襲大約不能
偃武建鎮募卒無事則坐
糜衛所之旅率足以建威
銷萌叅戎俞大猷未聞以

權輕墮乃績也稅在虔關
於諸關稱微者商賈雲屯
時以其餘佐大中丞敵愾
之需今嶺海犀象珠貝之
利未盡通權使者迭中考

贛州府志

序

五

功法倘貯帑以豫緩急于
司農若錙銖也虔俗尚鬼
大類食殍食不祥食饜食
磔死寄生者言顧岳忠武
手高宗詔屠城力爭者三

贛州府志 序

乃免常開平以大將軍下
城不擅殺一人社而稷之
不獨濂洛諸君子位不祧
也士讀古人書詎功名是
急無人焉踵鍾紹京董越

贛州府志

五

六

而起余無責瞻彼玉巖高
踪未遠善山洛村諸風流
猶有存焉者乎左氏傳春
秋不黜神怪石鼓白雀以
暨登木杪去兩腋生龍鱗

五

告漢灌嬰以捷期又被瑪
 瑙帶賜者未必非閱覽博
 物之一端也十蛇聚龜之
 譚傳出郭璞詭而不可信
 二井三池理則有之螺女
 木客不一而足白孟蘓黃
 宋李輩皆筆補造化矣余
 樸不能為雕語又虞無以
 成大一統之典得舊誌十
 八卷慮截趾而適屨也爰

仍而刻之後之君子察險
 要相風俗何以使儲則以
 委積巍峙聞備則以戍樓
 曾巖聞遊吏以無疲騎將
 士以無缺及聞帥無以漁
 擾其下而譁其口聞百姓
 無以殫不餽聞當有按籍
 如指諸掌者又不在區區
 日若耳之四寸間也

皆

順治庚子十月既望

賜進士第江西贛州府理

刑推官中州周令樹書

于不媚堂

贛州府志

序

九



重刻贛州府誌序

予以巳亥叅藩嶺北下車之始郡守以職事相見卽以誌書爲問蓋以爲政必先察其風謠相其土宜經理其山川考正其貢賦然後因地成化隨俗致理至

湯序

一

要也而郡守對以兵火之後版籍灰燼無復存者予悵然久之閱數日司李周子計百購得舊本見示予受而讀之義例謹嚴事辭詳該猶稱善誌惜止于明熹宗朝莊烈以來闕然未載乃

下檄所部網羅佚事搜輯蕪文
將徵聘耆儒開局纂修適予以
病請告未暇竣事念無副本恐
久而散失于是謀之計百蠲俸
付梓以永其傳至于廣採旁羅
以成全書則俟之後人焉謹按

湯序

二

贛之爲郡處江右上游地大山
深疆隅繡錯握閩楚之樞紐扼
百粵之咽喉漢唐以前率以荒
服視之至宋濂溪先生通判州
事其時趙清獻公爲守而程大
中先生令興國大中識濂溪于

南安明道伊川受學焉伊洛文
獻之傳淵源實肇于此文信國
守郡建大義興勤王之師故至
今豫章理學節義爲海內師表
而贛郡尤著云然山僻俗悍界
四省之交是以姦宄不測之徒

湯序

三

時時乘間竊發疊嶂連嶺處地
旣高俯視各郡勢猶建瓴非得
博大通方威信重臣鎮撫其地
則四省徃徃多事故前代特命
憲臣駐節于郡王文成公授提
督專征伐剗平山寇厥勲爛焉

及宸濠逆命天下震動公率二三郡守統兵數千旬日之間擒殄宸濠舉豫章數千里地歸之朝廷豈非重地得人之明驗與而文成公學本周程在贛日與南野東郭洛村善山諸君子講

湯序

四

明良知之學天下學者以虔南爲歸南野泰和人東郭安福人洛村善山皆郡之雩都人可謂盛矣噫虔南之盛衰旣關數省之安危而聖學之修明每肇端于茲地則其山川必磅礴鬱積

滌迴蜿蜒故能固東南之靈氣蓄造物之秘藏而非他郡所可頡頏也予旣考閱舊誌得其形勝扼塞之要間嘗登城四眺見崆峒天竺萬峯迴合貢水章江雙流奔湍北顧十八灘巨石側

湯序

五

立如犬牙森森想見清獻疏鑿之跡未嘗不俯仰愾嘆云時率官師謁濂溪二程子講堂修其俎豆信國文成二祠亂後或蔽壞或焚燬予移祀于濂溪書院與諸生執經揖讓于前念典型

之尚存思音徽之如在蓋不禁
為之低徊留連也獨是山川如
故風俗漸漓戶口消耗賦役繁
難且伏戎未靖鄰氛時警選舉
應南宮試者十二邑僅數人耳
嗚呼何今昔之不同如此是非

湯序

六

任旬宣牧守者之責與今

大中丞蘓公文經武緯剿寇興
學威德著于遐邇四方立覩廓
清正所謂博大通方威信重臣
也予以庸菲不克承事下風共
勦盛事實深自愧後之君子撫

覽茲編尚其加意振興綴輯殘
黎再見清獻之休烈而與賢士
大夫講明性道尋墜緒于微茫
以上追濂溪陽明之風知必有
洛村善山其人出而應之者矣
皆

湯序

七

順治十七年歲次庚子夏四月
朔旦

賜進士中大夫分守嶺北道江
西承宣布政使司右叅政前陝
西提刑按察使司副使整飭潼
關等處兵備兼分巡關內道翰

林國史院檢討睢陽湯斌撰



八

重修贛州府志小叙

郡志修于嘉靖之丙申距今八十六年往矣已
事闕如失今不續後將何致萬曆間郡大夫有
議及此者曾兩開局未睹厥成丙辰之歲蘭陽
李公以司榷別駕攝郡篆重有意焉而謬屬予
以筆札之役予謝不敏而公意彌篤會長洲全
公來為守謀與公合則再四起之予廼鍵關窮
畧取各邑新舊牘稍為編次既成帙惴惴不稱
度之案頭者久之已而兩公俱以遷秩行事亦

贛州府志

序

一

三三〇二

旋寢司農伍公後至嘗受李公託數過山房索
予志藁甚亟予逡巡出而請正公即携去今春
督漕綱赴省會遂命書掾繕寫成部歸而進之
堂長余公余公不鄙輒付梓人既為區處厥費
而一切鳩匠供餼更以煩司儲朱公凡越四月
殺青斯竟詔也自慚黥淺之識益以衰耄之年
麗技易窮豹窺寔短匡其不逮尚冀望于後之
嗣修者

天啓改元嘉平月朔日郡人謝詔謹識

嘉靖庚寅志序

郡守王世芳

贛州府志正德丙子前守當塗邢公始聘刑部
郎中長汀李公堅修之屬草已完而邢公以擢
官去金陵羅公屬其門人上舍生歐陽誠者潤
色之安陸張公復手加校正序其首簡將刻梓
矣屬以更任弗果嘉靖戊子芳偶承乏今御史
大夫容東汪公時以中丞節出鎮茲土復哀其
稿裁決于廷尉董公乃為重覆考訂并增入近
事前本之所未載者書成而容東公祓召歸朝

贛州府志

序一

一

三百四

矣至是踰年始以入刻刻既成芳復借序其刻
之之意序曰古者史官分左右左以記言右以
記事左右史備而言與事無遺矣自王朝以達
列國同之三代之制無或改也秦兼天下始廢
國為郡縣史亦隨之而王朝之史猶沿夫舊耳
司馬子長史記做古記言之體作八書至班孟
堅易書為志而後漢魏晉隋唐諸書多宗之然
則今郡縣之志特古國史之一體耳其所記亦
畧矣古今郡國地之廣狹事之繁簡迥乎不同

而記載之書詳畧反異至或缺焉遠無以鑒古
近無以驗今不亦可慨也哉贛為郡當閩粵湖
江四省之交視他郡為重邇年來鎮以都臺節
以兵憲視昔時為加重况在有宋瀟溪元公嘗
通守焉維時明道純公伊川正公侍其父太中
公令於興國因學於濂溪所謂吟風弄月以歸
者實在茲土三賢講道之地庶幾與鄒魯並不
尤重也哉顧惟郡志久缺文不足徵豈不重可
慨耶乃今歷十餘年更六七守方克成書吁亦

贛州府志

序一

二

三百七

艱矣自今更於茲郡與繼今而吏者千里之廣
百世之遠一覽在目由是而施於有政可以議
興革昭勸懲酌損益焉豈徒備典章美觀視而
已乎此志之所以刻也書凡若干卷總若干萬
言

嘉靖丙申志序

郡人董天錫

郡之有志猶國之有史也史家記載有凡例褒
貶有定法足以傳信垂戒乃謂之良史郡志亦
然山川封域之界貢賦之常官府之設因革沿

委在所必錄母容粉飾增損其間例也若乃風俗之美惡與化移易人才之生視其自樹地靈不得專主吏茲土者政績不能皆同人品亦不能無高下於此不審而漫浪書之或過於稱揚或曲爲隱蔽其於史法皆未盡也周官誦訓之設掌道方志以詔觀事巡狩則夾王車以行於政教大有裨益歷世久遠莫考其詳今

天子每歲必親命憲臣巡按一方察民隱而糾吏弊歸則以聞殆其遺法激揚之責固所自盡

贛州府志

序

三

三頁七

而典籍之徵亦豈分外事哉侍御容峯陳公珏有見於此乃謀諸都憲王泉王公浚以贛志屬予俯葺衰病薄劣何能爲役重違其意乃與陳教授英李舉人國紀參互考訂收其散逸刪其繁蕪以就簡約備采覽然於直筆不能無慙也公是非正舛錯尚有俟於後之君子志成憲副侯公緘郡守康公河退予爲序謹綴數語以引其端

誌序

郡邑之有誌猶 廟堂之有史也古者天子之史太史掌之邦國之史周官小史外史掌之所以示後世垂不朽也故孔子曰夏禮吾能言之杞不足徵也殷禮吾能言之宋不足徵也蓋深歎其無存而史之

誌序

一

公也子夏子曰王者之迹熄而史亡史亡然後春秋作蓋深幸春秋之作而史始尊也今之郡邑猶古之邦國也其間有利弊之沿革焉有歲時之苗祥焉有吏治之淑善焉有人物之挺生焉有賦役之增損焉者舍此而產植焉固圍無虞則城